

**zbirka poezije**

# **pozajmljeni stihovi**

**autor:  
stevo basara**



*“Odavno maštam da je poezija jedna vrsta ljudskog bića koja kroči djelom naga ispred svijeta razotrikrivajući čitatelja u njegovoј individualnoj moći spoznaje.”*

- Stevo Basara februar 3, 2012

## I dolazak anđela

već danima noć vlada  
dah njen bije slabi sjaj  
zlokobno šumi tupa tišina  
mrzeći svaki jauk njoj stran.  
osjeća se u zraku tama,  
njena duboka moć,  
samo Gospod još sjaji, blista,  
kroz vosak vruć  
njegova prisutnost bije.  
glava mi nemoćno klonu  
gledajući u tišinu tame  
horizont se sramno stapa  
sa suludim mračnim snom.  
gdje je kraj ovom mračnom snu?!

pomislih dižući glavu  
nesvjesno kao u snu  
dok miris mog daha  
osta zauvijek pripijen  
u kutu mracne sobe.

ruke,  
ruke postaju krotke,  
mirne, spokojne,  
osjećam se suvišnim  
samom sebi  
nestajem ja!  
moje ruke!  
moji prsti!  
gdje ste?!

kukavički podvili su rep,  
bježe, ili se pak bore,  
tko zna što rade u ovoj tami?  
zar ovako nestati,  
zar ovako da se izgubim ja?!

ovu sudbinu ja ne prihvatom,  
ovu sudbinu ja neću!  
ja sam pokraden

u ovoj tami!  
hoću svoje ruke!  
hoću svoje prste,  
svoje noge želim!  
hoću da sklopim ruke  
i da kleknem pred Boga,  
ali nemam čim da zavapim  
moje usne izgrize tama!  
samo um osta potpuno nag  
pred pohlepotom tame.  
samo um osta kao svitac  
da zavapi dan.  
vrisak,  
vrisak se odlomi od mog  
usamljenog uma!  
vrisak propara debelu tamu.  
suknu svjetlost i ja u njoj.  
kao orkan šibam tjerajući  
pocrnjelo sunce.  
zaiskri mi,  
po prvi put, dan.  
kristalno jasan, čist.  
stajao je tu ispred mene,  
osjećao sam njegov topli dah.  
strujio je mojim usnulim tijelom.  
priđoh zidu ka upaljenoj  
voštanoj svijeći,  
poljubih njen sjaj  
gubeći se u njemu...

## II Ijudi pod maskama

o kako divno  
razvlačite svoje  
drvene usne,  
gospodjo!  
da li vam je  
stalan osmijeh,  
ili vaše ružne usne  
cijede sad psovku?  
šepurite se  
u krugu,  
u masi krinki  
dvoličnjaka  
i slijepaca.  
ja na ovaj maskenbal  
uopšte ne žurim,  
i ne želim  
da sudjelujem  
u toj vašoj gnusnoj  
predstavi, čini...  
katkad se  
slijepo sudarite  
i ništa ne čuh  
sem tupog  
udara maske.  
tada  
sebi na brzinu  
slažete da se  
neka ljubav rodi.  
glumci ste vješti,  
i to je uistinu  
jedino što vas  
tješi...  
privlačite ljude  
koji gledaju  
kao i sam ja.  
raspomame se

vaše krinke,  
divlji vaš ples,  
i znojna  
tijela se grče  
u ekstazi  
utvara i  
laži...  
i tada vjetar  
zakovitla sve...  
odletješe  
dvoličnjacima maske,  
a oni za njima  
u očajnički bijeg.  
samo se pokoji  
sa maskom drži  
i ceri se možda  
već sutra  
sebi...

### III kada postanem jak

kada sve oko mene  
bude svijetlo,  
kada oko mene  
zatitra svjetlost,  
sunce na horizontu,  
tople grimizne  
boje cvijeća  
oboje moje oči  
i veseli poj ptica  
zatitra u zraku  
sa malog potoka  
u stijeni staroj  
hiljadugodišnjih  
doba  
napit ću se  
novog vremena,  
novog vijeka.  
tada,  
po prvi put  
u mom umu,  
nestaće svakog  
bestidnog jada.  
trčat ću  
sočnim  
zelenim poljima.  
moj pogled  
oslijepit će duga  
prekrasnog kolorita  
boja.  
jeseni će  
ponovo biti  
moj znak  
plodnosti  
i dara prirode  
što ga bestidno  
pruža.

kada nestane  
straha,  
kada ne bude  
moga jada.  
o, kada će  
doći dan,  
kada ču postati  
velik,  
snažan,  
silan.  
zašto je  
sad ovo  
samo san?  
zašto je  
sve samo  
jedna misao...  
kada  
postanem  
jak!

## IV rana jesen

jesen je stigla.  
potruške se  
pružila hladnoća  
po mom  
izgužvanom,  
platnenom  
proljeću.  
ušetala se sama,  
bez ikog svog.  
bez imalo  
stida,  
donijela je  
hladnoću  
mom voljenom  
proljeću.  
uletjela je  
kao pogrešna  
nota  
nekog rasijanog  
muzičara.  
namrštena čela  
grči se moje  
proljeće,  
moja netom zakržljala  
skupljena toplina.  
ocvalo drveće  
i vjetar jesenji  
što duva hladno...  
sve ovo  
zbrkano je,  
pomalo  
samotno je,  
i jadno je.  
I latice  
i drveće  
podsjećaju na

rane  
snjegove.  
hladno je.  
tupo je.  
bezglasno je.  
gluvo je jutro.  
bez ptica je.  
bez sunca je.  
bez ljudi je.  
bez pasa skitnica.  
samotno je  
ovo moje  
hladno jutro  
i ružna je  
ova neuspjela  
jesen,  
i moje nemoćno,  
samotno  
proljeće.

## V olovka žuta

mrtvo šuti  
olvka,  
strovaljena hitro  
na zadnjoj  
stranici meni  
nepoznate knjige.  
gledam u njenu  
žutu masu,  
spreman da zadam  
udarac čistom,  
skupocjenom papiru.  
ležao je tako nevino  
ispred mene.  
ništa se ne pomakne  
zadnjih par trenutaka.  
gledam netremice,  
očekujući bujicu što  
počinje da ključa  
u ranim,  
nesanim jutrima.  
nepogrešivo i  
neumoljivo,  
pojavljuje se  
blještavo,  
i sjajno.  
bar mi se  
tako čini,  
bilo je to  
nekad, davno.  
sad tako  
blijedo, uistinu  
meni strano.

## VI san

san kao mora,  
jecaj i znoj sa čela,  
mrtvilo tijela,  
paraliza volje i svijesti,  
nepomućeni zaborav,  
uzdah i kratak jecaj.  
vrućina, žega,  
miraž što umorno  
oko varo.  
neponovljiv pejzaž  
nekog tuđeg vremena.  
mrtvi ugao  
i spodoba u njemu,  
nedovršeno lice,  
neuspjeli osmijeh.  
gužva i trg,  
žamor,  
i opet još samo  
tvrdoglav traže šapat.  
žbunje i rastinje,  
brzo i još brže  
promiče zadnji damar,  
grimizne boje,  
i opet neko strano,  
endemsko rastinje.  
kroz granje naziru  
se stol i stolica,  
klimava i škripava,  
i opet nečiji glas,  
i topao dah na mojoj  
napregnutoj šiji,  
i glas kao žubor vode,  
prasak sporih,  
lijenih kapljica  
vode, riječi, slova  
i nekih meni

stranih simbola.  
smijeh i kikot  
daleko sa obzorja.  
silueta sa prozora,  
gola istančana sjena,  
zavijena spodoba.  
snošaj, krik galeba.  
žubor vode,  
zaboravljen krčag  
sa presušenog izvora.  
mrtvilo udova,  
miris čempresa,  
i rezak miris  
draži krv  
što iz nosnica  
kapa, kapa.  
svjetlost dana,  
sjaj jutra,  
i sneno oko  
mrzovoljnog  
neimara...

## VII galeb iz smeća

gnusan i nimalo krhak,  
zadrigao kao lučki krmak.  
viri iz kante, iz smeća.  
galeb ili njemu sličan  
komičan preobražaj.  
bjelina perja  
odavno ishlapjela,  
od prljavštine i lijenosti,  
masnoćom natopljeni.  
debelog trbuha,  
poput kakvog  
halapljivog bludnika,  
uporno i gluvo žmirka,  
dok braća mu visoko  
plavetnilom kruže.  
on bestidno iz smeća  
konzervu struže.  
u utrobi neba,  
iznad mora sinja,  
visoko prikovanih krila  
na platnu  
nebeskog plavetnila.  
visoko, još više,  
uporno krešte, pište.  
žilava, uporna, tvrdogлавa,  
gladna mu bratija,  
katkad kljucnu  
svoga lijenog,  
smećem utovljenog,  
saplemenika.

## VIII ništa

ničeg više nema,  
sve je utihnulo i usnulo,  
samo poneko još  
slasno i glasno hrče.  
zatomljeni broj umornih  
i snenih ljudi.  
nestaje smiraj dana.  
završena je predstava,  
netom ugašena cigareta,  
i pramen duvanskog dima,  
izbledjeli mu jezik titra  
kao miraž zadnjeg, neuspjelog,  
pozorišnog čina.  
pleše i grčevito steže  
zadnji tračak svjetlosti  
podno nogu.  
na podu, pod čizmom,  
civili i bolno stenje ispod  
bahate beskrajno duge,  
nečujne sjene.  
zaklopi knjigu, prevrni šolju,  
neka se teljva izlije po stolu.  
neka neostvarene želje  
požure, neka ih upiju pore  
vlastite, naše sudsbine.  
kao pohota, kao opomena,  
gladna slika čami  
zatomljena unutar usnulog,  
sumornog pravednika.

## IX čekanje

čekaj me,  
i poslije najupornijih,  
kada i tvrdoglav  
dignu ruke  
od mene.  
čekaj me,  
dok se ne izgube  
i oni rijetki, uporni,  
što još ponekad nevjerno  
opipavaju mi bilo.  
ne trudi se dok su tu,  
ne guraj se ma kako ti  
pravedno i samo tebi  
bitno i tvoje bilo.  
utrnuo sam od njihovog  
pasivnog, ludila.  
kada dodiruju,  
za njih je hladnoća  
i znana im mokrina  
i tjeskoba i nelagoda,  
i neznana im mučnina.  
ti strpljivo čekaj  
dok se vodenim krugovim  
na površini mojoj smire.  
čekaj me,  
dok ne postanem  
onaj stari, tebi znani.  
čekaj me,  
dok se ne smire  
moji uzburkani,  
divlji vali,  
pučina moje duše zaiskri  
onim poznatim sjajem,  
koji tebe meni vuče.  
svakim novim jasnim,  
i slasnim doživljajem.

čekaj me,  
kao plima što plitku  
oseku prožima.  
uroni tada svoja stopala.  
pogledaj i osjeti  
pučinu moju,  
što se tebi bestidno daje.  
sve je isto kao što je  
nekad davno bilo.  
ništa se promijenilo nije.  
ništa sem tvoga  
beskrajnog čekanja  
koje me na vječnost poziva.  
Poput broda,  
na pučini,  
iz daljine,  
doziva, doziva...

## X stabla

posljednji kolosi  
našeg doba,  
nijemi džinovi,  
ukras i prkos  
urbanog ludila.  
pored prašnjavog druma,  
uz raskrsnice  
i prometne trotoare,  
groteskna nepoznanica  
urbanog vremena  
i asfaltnog poremećaja,  
ona,  
ona još stoje.  
usađena duboko ispod  
betonske džungle,  
pokazuju svoje  
zakržljale zube.  
tumorom opasana,  
začuđujuće još živa.  
krišom ih gledam  
ispod oka,  
sramotom smoren  
zaobilazim, bježim.  
a oni tumori  
što na oči liče  
kao da se osvrću za mnom,  
i jedno kao da  
uporno vrišti,  
viče!  
draga mi ova  
podnevna buka,  
gužva automobila  
i ljudska strka.  
tada se mogu sakriti,  
neopažen pored  
istih provući.

ali noću,  
kada nesanica mojom  
dušom ovlada,  
unezvijerena koraka  
krenem ulicom i onim  
prašnjavim drumom,  
ispriječe se trotoarom  
da mi pokažu  
amputirane ruke,  
nekoć stasale krošnje,  
sada smolom oblijepljene,  
polomljene, otpilane udove.  
i one plakate što sramno  
na grudima nose,  
smrtovnice kao ordenje  
čiodama srama prikovane.  
vjetar ih lagano ljudi  
u agoniji, dok tupo bolno škripe.  
ja okrećem uporno glavu  
dok pod stablom prislonjeni,  
zaljubljeni par,  
još ljepotu vidi  
i ne razumije,  
niti se stidi.  
ja žurim od jednog zločina  
ka drugom ubistvu,  
gdje sam kao dijete  
dudove tamne brao,  
utočište i mir nalazio.  
pobjijena, otpilana  
stabla leže  
ispred nove moderne  
betonske vile.  
ništa se ne čuje sem  
tištine i savjesti što  
zajedno tiho cvile.  
sjedoh na jedan  
netom odrezan panj,  
podijelih tugu sa žrtvom,

zaronih posljednji put ruke  
u krv, što kroz piljavinu  
miriše i na jecaj i vapaj,  
iz pamćenja zauvijek  
sijećanje briše.

## XI bol

ova nije za vas,  
i nije za vaše oči.  
riječi su za umorne i strgane,  
do gola svučene,  
sudbinom napola zadavljene.  
ova je za one koji bole  
i one koji bolno bol još vole.  
ova je za vječite gubitnike,  
za crne ovce i bijele vrane.  
za tugu što u oku  
vječit oganj ne da da zgasne.  
ljepotu što u crnilu jada  
cvijeće opojno  
kroz taman polen širi  
i umjesto beznađa i kraja  
novu snagu i svjetlost  
kroz bol životu podari.

## XII daleko

daleko iznad tvojih obrva  
gdje tvoj svijet završava.  
daleko još dalje  
preko vrhova tvojih cipela  
gdje ti vlastiti pogled  
vječno počiva.  
dalje i još dalje od vlastite  
percepcije prognan.  
izvan vidokruga nedostupno  
tuđa sudbina počinje.  
tamo dalje gdje glasove  
ne sakuplja tvoja ušna školjka,  
valovi drugih glasova  
i riječi jalovo šute,  
i ne udaraju u tvoje hridne misli,  
i ne pjeni divlje uzburkano  
tuđinsko ti more.  
bezbjedno privezana,  
skrivena spavaš  
u laguni vlastite malenkosti.  
daleko, još dalje,  
iznad tvojih obrva  
i vrhova tvojih cipela,  
gdje moj pogled  
vječno s tvojim počiva.

## XIII fukara

ako si taj, onda nemoj da brineš više,  
zaklopi gladni podsjetnik savjesti.  
uguši onog što strmoglavo žuri u tebi,  
zadavi zadnju ambiciju, pohlepu u sebi.

izbodi mučki primjernog u tebi.  
neka leš njegov samo leži,  
ti sjedni i na njega noge stavi  
i pusti da ti glas istinski, vučje reži.

pokaži svijetu istinu o sebi,  
neka se s gadenjem prisjete vlastita lika  
što ispod laži drvenog im obrazu  
stid svoje pipke trenutkom jednim svijetlo pokaza.

oslušni divlje prirodu oko sebe,  
neka zadnji trag ljudskosti lažne  
pretvori njihove glasove u pepeo  
gorećeg, istinskog, pravog tebe.

neka molitva tvoja bude jasna  
glasom istine iz riječi brojnih  
što na osudu drugih poziva,  
huljom i bitangom te proziva.

ti ne čekaj na riječi lažne,  
i neka te samo blate, izdigni se  
iz kaljuže im čiste i neka te vide tuđe ti biste.

stopi dugogodišnje čutanje i beskonačne molitve  
sa zorom i novim jutrom. Iz grudi tvojih  
neka se samo jedna riječ propara...  
**FUUKAARAAAAAAA!!!!!!**

## XIV pas na smrznutom pločniku

neka sve ide dovraga,  
noćas čemo lajati skupa.  
samo ti, ja i lud mjesec  
što iznad promrzle ulice  
sjajan đerdan injem niže.

noćas nas kamenje i psovke  
i užvici otjerati neće.  
večeras gordo stojimo skupa.  
čak ni zgužvana, neobrijana njuška  
komšije sa trećeg sprata.

neka galame i neka poljube naša  
zatvorena, ulična nevidljiva vrata.  
noćas će jednako vikati i na mene,  
psećeg brata, otrgnuta sa sputanog  
ljudskog moralnog lanca.

noćas mijenjam stranu, rod i vrstu,  
mijenjam toplu postelju  
za hladnu ulicu, i promrzlu večeru,  
za miris hladne slobode,  
i gorde besane noći.

primakni se bliže ili stani iza mene.  
moj je red na kamen i psovku.  
ti samo jedi i moj dio,  
ja ču da režim i lajem malo,  
ma kako suludo i stidno bilo.

povući čemo se skupa,  
tih, nečujno, iza kanti smeća  
prevrnuti zadnji komad nasušnog hljeba,  
nestati slobodni, tih, pod okriljem  
hladne, promrzle, besane, naše noći.

## XV

rekli su mi da sve odmah zaboravim,  
i tebe i sebe i sve nas koje bije zao glas.  
rekli su mi da zaboravim tebe tada  
koja živiš istinski sada.  
rekli su mi da sam jak,  
ali ne pripadam vremenu sada.  
rekli su mi da sam težak,  
da sam prgav, i tvrd,  
i bože zakloni pomalo lud.  
rekli su mi da sam zaguljen,  
vječito s drugima kratak,  
i nikad glatak, a ponajmanje  
što bi neki rekli sladak!  
očigledan nedostatak sluzi,  
jer je jedini način da se s njima  
zajedno, bratski puzi.  
opaka sam jezika, britkog kao sablja  
koja ponekad istinom reže,  
iz grudi čudan oganj drugima doseže.  
rekli su mi - ja rekoh tebi,  
a ti svima njima po potrebi.

## XVI

sve je gotovo neprimjetno,  
čak i život ovaj naš  
kao dobar san što osjećam.  
kroz trnovit puteljak  
gdje skoro neprimjetno  
odmiče tvoj mirisni haljetak.  
bodeš se i paraš mi kožu,  
kao trn čuvaš bit svoju,  
kao sočnu tamnu kupinu.  
prestani nedostižno nestajati,  
upoznaj se i ogledaj u meni,  
prepoznaj se i vidi slabost svoju.  
tako je, istinski sada samo stani,  
još jedan treptaj,  
i srca tvog nečujan damar.  
pusti osmijeh kao pticu  
iz usnog kaveza.  
neka zaleprša iznad trna  
kao pogled tvoj,  
i neka bude vapaj tvoj  
moja neostvarena molitva  
i želja draga jedina.

## XVII

rekoh ti da me ne bereš,  
tako sam lijepo skriven bio  
pored prašnjavog puta,  
iza kanti smeća,  
čak ni par latica nisam imao.  
ne mirišem niti bojom plijenim,  
ali svjedno ti me jednako poželi.  
postavi me na prozor među one  
skupe cvjetne tučke,  
za tvoje nove mašte  
i mirisne ti mućke.  
pored prozora bolno glavu  
svjetlu okrećem da još jednom  
dan prije sumornog kraja  
istinski osjetim.

## XVIII

volio sam jedno drvo,  
dva klikera jednobojca,  
jednog otrcanog zmaja  
i začaran proplanak  
gdje ne dopiru ljudski glas,  
vjetar i promaja.  
voljeh komad rijeke,  
ulice usnule i puste,  
i jeseni kod stare kule.  
volio sam mirise iz bašte,  
neke stare slike  
i knjige tek pročitane.  
volio sam tebe  
upoznavajući sebe.  
volio sam sjećanje  
na večeri rane,  
smiraje dana i ljetne žege.  
volio sam more  
i lijene mu talase,  
komad neba i vozove  
iz tunela što lijeno izlaze.  
volio sam započete ideje,  
i nedovršene crteže.  
mirise što u djetinjstvu  
bude komad sjete.  
voljeh tebe i život naš  
ne štedeći se,  
jednako i bez razlike.

## XIX

sanjao sam te sinoć,  
a namjeru imao nisam.  
bez predrasuda  
i nedostižnih želja.  
bez vidljiva traga  
vijuga luda od uma moga.  
samo anemičan otisak,  
ispran kišnom amnezijom,  
čula tvog uzdah.  
zbunjenog i napola luda  
ostavljam na jastuku toplom,  
zaboravom udavljen.  
hajde, pusti još jedan uzdah,  
meni čaroban i moćan,  
prije osvita dana i novoga jutra.  
neka zavjesa pozornice života moga  
sačeka još malo jer oni koji sjede  
osjećaje moje i tako ne slijede.  
hajde, pusti još jedan za kraj naš  
i svjetinu što nestrpljivo čeka  
bolji i ljepši im početak.

## **XX Ljubav**

ljubav je kao strepnja,  
kao uzaludna molitva,  
i mirisi sa toplog ti jastuka.  
neposlušan čuperak  
sa tvog potiljka.  
tvojih usana čulan potpis  
što moj obraz,  
vječno kao pečat,  
još uvijek neumorno nosa.  
otisak ravnog ti stopala,  
nestabilan i plašljiv ti pogled,  
kao ptica što budno preža  
preko moga kamenog ramena,  
spremna da uzleti,  
zauvijek me napusti,  
ostavi i nestane.  
ljubav je miris tvog parfema  
što moj nos,  
poput vjernog psa,  
svakim trenutkom osjeća.  
spokoj usnulog ti tijela  
i mentalna skica tvog lica,  
nepokretna i prebačena ti ruka,  
što svojom mirnoćom  
jednako na ljubav podsjeća.  
mirno i spokojno nestaje  
osjećaj u fragmentu vremena.  
kao varljiva sjenka,  
iluzijom tkana koprena,  
nevješto prebačena  
preko našega tijela,  
kao zamka,  
kao nostalgična čežnja,  
kao nerazumna opomena.

## **XXI**

povedoh jučer kući golemu crnu pticu  
što mi kreštavo, glasno priča već mjesecima  
iznad glave sa banderina stuba.

divna, sjanih, anđeoskih, crnih krila.  
ptičurina sa mnom što dijalog intiman ima.  
prijeteće izgleda njena pojava iz ogromnog kaveza.

skakuće ponekad po kući,  
iz stana ne namjerava otići.  
jučer je čitala moje pjesme, vidjelo joj se u oku.

rukopis mog stisnutog kažiprsta.  
onaj tugaljiv, sjetan položaj kritičkog ti crnog kljuna.  
tajno je ponekad gledam dok predano izučava mi rukopis.

danasy je je melankolična, ponudio sam čitatnje  
nekog mog zamršenog proznog štiva.  
bila je poslije preplašena i noću se sporadično  
iz sna kao more kreštavo budila.

idi do vraga, ako te tako tegobno nervira, upotrijebi krila,  
nestani preko prozora, gnjilih krovova i usranih atika.  
razvedri se u nečijim tuđim baštama i dvorištima.

crna ptica, ne gledaj me više očajnički tako,  
čitaj i miruj koliko ti perju crnom milo i draga.  
ja odlazim i ostavljam te da pomno čitaš i dopisuješ  
što ti volja i kako bi trebalo ptiče biti.

užasna mi je pomisao da čitati umiješ  
i cinično na mislima se mojim svetiš, kreštavo  
uzimaš kao hranu zadnji trun optimizma,  
ostavljavajući samo suho slovno crnilo.

a pjesme moje pročitane ostavljaš  
beživotno da na papirima zjape,  
kao magijom što vrijeme, život i nade  
sebi u perje sjajno zabode kao orden tamne ti pobjede.

## **XXII**

tako prolaze dani bezgranične gluposti.  
jednako i bez jasnog otiska.  
tupo i glupo izgleda pojava moja  
što nerazgovjetno čitati mora.  
udobnost podržava lijenost moja  
i prekid svakog logičnog spoja.  
zataškan udobnim sofama  
što se pružaju svuda.  
proteže se bolno sujeta moja.  
previše je mjesta i tištine što na jugo i more  
u tri ure depresije, melankolije i iluzije,  
na žegi inspiracije pred  
zamandaljenim nijemim svjedocima  
topi i u san nemiran pakosno tvori.  
svi strpljivo snena oka bezrezervno šute  
očekujući izlazak velikog ništa.  
marginalnog glavnog junaka,  
vječitog promatrača zamajavača,  
ili kotača što vas voza od jednog ništa  
do drugog sve slabijeg ličnog pokušaja.

## **XXIII**

jučer se probudih  
stegnuta čela,  
od soli i sinjega mora.  
sa grudima napetim  
od smole i bodulskih četinara.  
iz kuhinje čujem  
da dopiru vali,  
preko hodnika  
do spavaće sobe,  
udaraju o hridi  
podno sobne rive.  
sa jastuka moga  
galeb uzleti sinji.  
preko prozora  
dopire cvrčaka mojih  
zaglušujuća pijana pjesma.  
sijesta i podnevna žega,  
nošene mirisom lavande,  
otočke mirođije,  
slatkaste i tvrde  
dalmatinske đakonije.  
okrenuh se na stranu  
od onog galeba  
što nad glavom mi kruži.  
leluja se moj krevet  
kao da je na obali.  
trudim da ništa ne primijetim.  
mutav se pravim,  
a onaj miris sa gradela  
očajnički iz usta izbacih.  
neka još malo,  
još sat jedan,  
ovako polubudan,  
na suncu sna  
da se kupam,  
i da lješkarim.

## **XXIV**

stope svoje posijah bez predrasuda,  
a sjećanja stiskah kao tebe, često i svuda.

onog tvoga nervoznog, nemirnog kera  
ispod ograde, bez prepreka i barijera.

moja smijela pohotna ruka iznad čulnog ti koljena,  
šušti tvoja sjenka kao veš sa našeg porodičnog štrika.

kroz sunčan dan dopireš i šalješ strane mirise  
augustovskim vjetrom lijeno nošene.

čežnjive, sada već skoro nepomične uzdahe,  
pijan smijeh sa ulice i miris jake seljačke zaprške.

nošen notom kuhinjskog radija,  
preko bašta, gredica luka i krompira.

ispod verandi zavlači se topao miris doma,  
nošen težinom, kao težak kamen, na dnu rijeke.

hladna obloga vrućicom nošena,  
iznenadan san pored tvoga prozora.

prijekornog pogeda na usnulom mi tijelu  
tvoja ljubav kao ptica despotski počiva.

sve ono što u vazduhu osjećati se može,  
dignuh te i povedoh u zagrljaj ljubavi.

iskonski željne ljepote, kao na samom početku,  
bez predrasuda, često, pohotno i svuda.

## **XXV**

zamisli krougove  
vodene netom  
smirene kako  
zgrčeno u panici  
prekinuto šute.  
riječi rastocene  
u distorziji  
ptičjeg preplašenog  
glasna krika.  
sa istoka  
tup udarac  
vjetra što na  
podmukao kroše  
hladnoćom neumitno  
trenutkom podsjeća.  
hladan kao  
zidarska psovka,  
iznad glave,  
tvoja slika  
moja zastava,  
vijori se.  
nošena djetinjstvom,  
tajanstvenog ti  
nepobjedivog osmijeha.

## **XXVI**

kažu da sam  
sjena od čovjeka.  
samo tamna mrlja  
na sunčanom jutru.  
guraju me na svjetlost  
da me bolje vide.  
odolijeva sjena moja,  
i posljednje što  
od uzdaha bića  
ostade moga,  
kao nijemo pseto,  
podno mojih nogu,  
skići i mutavo gleda.  
sjeno moja!  
ja ču te bodriti  
kažiprstom lijeve ruke.  
kao pijani skitnica pored  
nevidljivog kera.  
bodrit ču te,  
osmjesima nagrađivati.  
ljubavlju gostiti.

## **XXVII**

ne boj se,  
nisam ovdje  
samo radi nas.  
ovdje sam  
bez razloga.  
bez plana,  
bez programa.  
spreman da  
prihvatom sve.  
tebe, sebe,  
nas i vas,  
njih i onih  
odbačenih tristo,  
što čuče  
iznad riječi,  
gledajući i moleći.  
za sve,  
njih i nas,  
i vas,  
i drugih tristo.  
za sve nas  
sigurno i tiho  
tražim spas.

## **XXVIII**

ne daj da te zbune  
moji tragovi,  
sve tvoje riječi  
vode daleko od njih.  
gledaj u onaj dio  
gdje staze nema,  
bez mene sa tobom  
i tvojim sjećanjem.  
ja će ostati skriven  
nakanom koja nestaje.  
sa tvojim korakom  
što dalje od vlastitih otisaka,  
kao slijepac bez orijentira,  
bez glasa tvoga.  
u tišini strpljivo  
čekati moram.  
samo sjećanje  
na boju tvog  
glasnog osmijeha,  
do mojih čula  
donese plima,  
odnese oseka  
mora čežnje  
i mog dječačkog  
nezgrapnog dodira.

## XXIX

kap  
po kap,  
puna  
čaša.  
čaša  
po čaša,  
puna  
kanta.  
kanta  
po kanta,  
bure  
vode.  
bure  
po bure,  
krov  
koji  
proklet  
prokišnjava.

## **XXX ubica**

jučer  
ubih čovjeka u sebi.  
bez puno razmišljanja,  
puna stomaka,  
bez kajanja,  
i grižnje savjesti.  
bez predrasuda  
bacih ulaznice  
za predstavu svog  
zagrobnog života.

jučer  
ubih svog čovjeka.  
sačmarice hladna cijev,  
otisak i moralna mrlja.  
na zidu prosuta mozga  
stoji mrlja  
mog duhovnog bića.

jučer  
ubih vlastitog sebe.  
podigoh ubicu na noge,  
prekoračih pažljivo  
preko samog leša.  
bez glasa i težine  
samog bola.  
gotovo krvava pijana oka,  
svrši se ludačka rabota.

sada  
čovjeka više u meni nema,  
iza ugla čujem riječi same:  
ide ubica,  
ide ubica od čovjeka!

## **XXXI život**

pjevaj  
ako umiješ  
i razloga  
bajatog još imаш.  
mrljaj bojom  
po platnu i  
sjećanju tuđem.  
pokreni se  
snagom  
bijelog zeca  
što ga u rukavu  
mudro još skrivaš.  
stani ponekad  
i propni se  
u svoj strci,  
kao životinja  
za jedan  
čulan drhtaj.  
za jedan doživljaj.  
misli tvoje i  
krvavo oko moje,  
i pijan usnuli dan.  
zvuci jutra, poj ptica.  
čovjeka pijan glas  
i savjesti spas.

## **XXXII**

tri koraka  
i dva bijela oblaka.  
iz naručja  
pijesak zlatan,  
kao život  
što bećarski  
u nepovrat  
iz naručja  
zauvijek osipa.  
gledaj žuti dukat  
što na sunce  
sijamski liči,  
i sirotinju što se  
njime promrzlo  
uzaludno diči.  
gledaj modro plavo,  
tek naslikano.  
kao nebo  
beskrajno i važno.  
skoro jednako  
istinski i snažno.

## **XXXIII**

ne tuguj više  
nije sve onako  
kako um životom  
zanosno kukovima  
pohotno njiše.  
kada boli, onda se i voli.  
jedra sreće zauzdati  
škrti razum nikada neće.  
porive svoje ostavi  
cirkusu sudbine na kroćenje.  
neka bičem život  
kroji i ustrojava  
zvjerinje u nama.  
gledaj kako umjesto  
vukova i lisica  
andeoski bijeli  
golubovi šire  
nebeska sveta krila.  
ne drhti ako ujedam  
i još krvnički vučije  
divlje režim.  
ja se ne pretvaram  
niti odstupam  
niti bježim,  
već istinski  
još bespućima  
slobodno živim  
i usamljeno jezdim.

## **XXXIV**

san je život  
i svako je buđenje  
samo još jedno  
novo umiranje.  
čudesan igrokaz  
i psihodeličan pejzaž,  
šapati i novi mirisi  
još toplo blistaju otkriveni,  
amnezijom kao rđom  
tajnovito prošiveni.

## **XXXV**

tražio sam onomad  
jedno sjajno dugme  
koje u žurbi izgubih,  
umjesto njega podigoh  
obal kamen i tople mu boje.  
okrenuh ga prema svjetlosti  
da njime zahvalim Bogu  
na njegovoj ljepoti.  
poleći ёu ga odmah iza  
vlastitog potiljka,  
a oluja što se u oblacima sprema  
neka još malo kunja i drijema.  
kao da me jednako sada  
sa dugmetom sjajnim ima  
pa opet nema.

## **XXXVI**

pjesnik je nejasna  
jogunasta sorta.  
nemirna i unezvijerena  
radije divljeg pogleda.  
među djecom su musava  
lica u kojima kulja  
hiljadu poetskih klica.  
mucavo i nesigurno zbole,  
a riječi im vlastite odlaze  
ili tuđinski potokom  
u nepovrat žubore.  
nemaju jasnog stava  
osim pogleda snena  
kao hajdučka zastava.  
love nemoguće ideale  
i obično vide šizofrenične  
nevidljive ljudske ale.  
pjesnik nije učtiva marljiva sorta  
koja uz nauku noćima borta.  
pjesnik nije pametna glava  
niti preteča pohotnih  
ljudskih idealja.  
radije je kratko luda ili budala  
kojoj se skopčan svijet  
potajno kliberi i ceri,  
slasna su šala  
ili aperativ ukusnoj večeri.  
dodaj k tome dosadu  
što u ruci nose,  
kao čuperak mrtvačke  
tuđe, odsječene kose.  
uvijek nešto kriju  
motaju i petljaju,  
šapući u nepočešljane,  
neuredne brade,  
i pljuju stihove  
u čvrsto spojene  
drhtave dlanove.

## **XXXVII**

gusto stoje pjesnici  
dok prozirno i rijetko  
promicu im djela.  
sve se teze  
probijati kroz njih  
radi nevidljivog eliksira  
i magičnog im zadovoljstva.

## **XXXVIII**

sinoć sam video kentaura  
sa aurom moćnog despota.  
šetao je posljednjeg kupida  
bez imalo skrupula  
i genetskog stida.

kraj obale pojili se vodom jednorozni,  
prosipali srebro božanski.  
na kamenu mamila je sirena,  
trljala je krljušt o tvrd  
kameni sprud.

iz šume dopirali su mirisi polena,  
žena-riba bludom začinjena.

kraj zadnjeg suhog ogranka  
odmarala se ljudska duša,  
zaboravno razapeta  
nad drvetom mrtvih poruka,  
simbol i metafora,  
zavodnički sija  
eliksir zadovljstva.

gledao sam smjenu dana i noći.  
mjesec se pojavi u ulozi stražara.

rika se sada jasno čula  
i silan tutanj.  
zemlja je drhtala.  
živac moj je zemlji pripojen.  
igra moja lijeva obrva,  
zadnje što od moje muškosti  
u tmini, nad nemani,  
žrtvenički pokorno čeka i šuti.

kobna slutnja što se smrtonosno približava.  
čovjek privuče čvršće štit,  
sablja na mjesecini pakosno bljesnu,  
nad njim nadvi se nečujna tama  
mirisom opojnim svojim  
životom neman iz pakla da najavi.

bljesak prvo, čudo što krvav oganj  
u zjenici ima, sa raljama kao munja  
na drvo samotno, svakim trenutkom  
kidiše šireći teror što prožima.

nestaje vividna slika i pojava nekog  
bizarnog pozorišnog čina.  
sija predstava u okeanu tame,  
sa istoka oglasiše se zaglušujuće trube.

mjesec umorno zatreperi,  
hladnom lokvom okupan  
u tišini večeri.  
nošen krilatim okom noći,  
pogledah u komad sebe na zidu.  
polen života nad mojim tijelom  
kao znoj neurotičan izbi.  
sjaj je bio sve bljeđi,  
još jedan trenutak,  
i ponovni početak  
zagrobne večeri.

## **XXXIX**

pored klupe sjedio je beskućnik,  
ispred njega skakutala je svraka,  
smjelo čupajući travu oko nogu  
začuđenog prosjaka.

pored mene je sjedila žena debela  
nervozno njušeći čas mene,  
čas svoga olinjalog kera,

ne broji više niko smrad  
što dođe sa klupe,  
dok beskućnik blago  
čačka gnjile zube.

sunce u trenutku zađe,  
ogromno je bilo,  
spustala se vatrena lopta,  
tik iza komšijskog  
drvenog plota.

nečujno je bilo,  
bez očekivanog praska,  
radio se glasao jako  
i bez prestanka.

mirisi jasni kuhinja i para  
praone veša i deterdženti,  
sirotinjski raj u mirise jeftine  
gospodski, rastočeni.

## **XL**

sa istoka dunuše vjetrovi  
zapadu se pokrenuše moćna jedra,  
sada je mirno i vjetra više u luci nema.

na istoku niko sada dobro ne spava  
bez vjetra čak ne raste ni moćna agava.

zabrinuti su i ljudi sa zapada  
gledaju bespomoćno u ishlapjela jedra,  
očekujući bar dašak da pokrenu sebe  
do samog povečerja.

## **XLI**

ništa ja nemam sem ova dva bijela oblaka  
na nebеском plavom tanjiru dana.

sve budalaštine dadoh za džabe,  
tražile mi neke uštogljene barabe.

gledaj strašilo uzeše koje nema smisla,  
i vreću lišća što je svu zimu na ogradi kisla.

polomljen gramofon i dva dječija bicikla.  
jednu štanglu teškog željeza  
i tri kišobranska uljeza.

zelenaš nisam, neću na prošlosti da zaradim.  
od kovanice cigine ne zazirem,  
već bocu s njim nazdravljam, naginjem.

sve mi mrsko pitati dok i dalje mislim cigo sve konta,  
jasno mu bilo koliko mi draga osta ona dječija lopta.

## **XLII**

probaj, ne stidi se!  
sa obje ruke  
lijepo pomoli se.  
ne, ne izgledaš glup,  
i nisi kao čup!  
već trajno radije  
ti gledaš u beskraj.  
zakleo bih se da  
nisam video niti  
jedan tvoj treptaj.  
da li se živi sada  
ili snove noćne imam  
kao opasna opsada.  
snovi uvijek hrle sami  
ako su pritom  
veseli i nezvani.

## **XLIII**

ti što sjediš uz moje riječi  
ti što zavrćeš često do besvijesti,  
između tebe i misaonog mene  
stoji samo jedno šugavo domaće štene.

polomljen je prozor i zjapi moćno oko,  
kroz njega južni vjetar svojim dahom  
mudrost zemaljsku namiče svima jednako.

iza nazirem neke jarke balone  
i djevojčice što dječački volješe pantalone.  
dva sladoleda vodaju dva ljudska lizača,  
i pride jednog psa i još par klinaca.

kao neka arija ili arabeska  
poče život lagano da se uzbudljivo treska.  
poskakuju mornarske majice i brkovi gospodina sa klupe,  
dok baka sa velikom pudlom nostalgično češka umorno dupe.

ovaj dan je šugav i na nebu nema zvijezda  
osim ljudi patetičnih ptičijih pogleda.  
svi nekuda kao da žure ili su utekle sve ribaske ponoćne ure.

## **XLIV zapis iz meksika**

odlazak se odlagao svake zime, bolno, ali bez kataklizme.  
čekao sam da neko pročita i moje zalutalo ime.  
bilo je to sve zbog progonstva, hladne nepravde i oštре zime.

meksičko! izgovorih glasno narandžasto-crveno ime, uz suvi trnovit žbun  
i bodljikave drače, nicale su ispred oka moga melankolično-trošne, španske palače.  
tamo dalje, pored samog puta, leže pokvašene, domaće lubenice i mesirače!

groblja niču svuda, počevši od tavana i podruma, preko sirotinje i donova,  
nepregledno leži cijelo jedno krdo, cirkuskih slonova.

idem putem i dolazim do nekog prašnjavog sela, gdje nema ništa  
osim nepregledne sirotinje i ljudskog pepela.

mali trg i lijepa crkva, kovano zvono sa vrha tornja, motri i stražari,  
dok vrućina paklena upija andeosku noć tragom čirokava plemena,  
škrto skriva baladu o velikim duhovima, o mesarskoj armadi bez titule i pomena.

na zapadu zalazi pijano sunce, čujem ga, eno ga dahće,  
samo, udavljenio iza narandžaste stijene.  
svjetlost sunčeva se davi i pijano baca čini i tamne sjene.  
ustadoh u klimaksu sreće, podigoh ruke, glasno gavran graknu sa oštре stijene.

probudi miševe uz moje vlastito pospano tjeme. kojot su naricali iz ranoga jutra,  
gladni mesa iz sirotinjskog puka, trgaju se slasno plitko zakopani donski leševi  
uljeza i ubica. neka jeza me obuze i hladna sjeta, kao zla klica,  
poče hladno da me potresa, i stoji tu kao odbačeno-usrana od najlona kesa.

nema ovdje milosti osim nepregledne pustinje pune ljudskog minulog bola.  
lezi dole pustinjo ti što se propinješ pečena, kao pradjedovska ostavština,  
zakopana viri iz prašine jedna beznačajna, odbačena apačka uspomena.

uramljeno ogledalo i bizarna slika posljednjeg balkanskog, čirokava vrača,  
koji čini kroz stihove peče i mirise šalje, bez potpisa i bez otirača.

## **XLV mrtav je kojot**

vidio sam jutros satranog kojota.  
budio me svako božje jutro ispod prozora.  
naricao je tužno za sirenom i bolničkim hitne službe kolima.

leži kao budilnik razbijen nasred usrane ceste.  
neki auti ga zaobilaze dok neoprezni preko njega ponovo prelaze.

danju sam zbog njega bdio, a namjeru imao nisam,  
htio sam samo da ga sa ceste skinem i da više u retrovizoru sliku ne sisam.

pođoh prema baru da groteskni doživljaj krvavog budilnika zalijem.  
vlati tude kose na umivaoniku. rigalo je na mokraću i alkohol.

ispred ulaza nije bolje bilo, čula se buka, psovke, pijana lica,  
tupi udarci u mekana slezena, pijano bjesnilo i poj mahnitih ptica.  
u ovom trenutku duva hladan vjetar i sva govna sa ceste na vjetru divljem jezde.

ja gledam kroz mali zardali prozor na krošnju drveta  
što sa vjetrom orgazmično bjesni, gubi se iz vidika ili se pak ponovo javi.  
što više gledam sve manje vidim. život se kao žarulja gasi.

jednako razočaravajuće, ne spektakularno, kao zadnji konjak pred počinak.  
zaboravih na kojota, dobar alkohol me sada grije.

želio sam dosta toga zaboraviti. pokušaj se očitavao u grču vlastite čeljusti,  
i ništa više. um je izvršio puč nad mojim tijelom. sjedio sam gotovo zabeznuto.  
prevariti samog sebe i odustati, odustati, odustati...

čeznutljivo bar da mi je pomenuti za samog sebe, evo ovako, predajem se!  
koraci su mi nezgrapni kao da kroz dubok snijeg gazim.  
pijana glava srlja, a u mraku tiho sjećanje na sebe šapče i boli  
dok se izvijam na životu dužem i od najduže boli.

mrtav je kojot, a sa njime čini mi se umirem svakodnevno i ja.

## **XLVI**

dani su moji  
uvijek bili kratki  
a noći besane i duge.  
gledao sam pomno  
u tračnice sna,  
i neviđene vozne pruge.  
signalni su se palili  
bez nekog voznog reda,  
i krdo pospanih  
ljudi što se gura  
prije same noći  
ili sutona.  
ja još na klupi  
strpljivo sjedim.  
u čekaoni nema  
više nikog,  
samo pacov jedan,  
u čošku što gricka  
dio mog strpljenja.  
dražeći me bez bojazni,  
uči hrabrosti svoja  
buduća pokoljenja.  
najava je bila kratka  
u narednih pola sata,  
ukratcat će se i ja  
u voz bez povratka.

## **XLVII**

čuo sam od jednog  
penzionisanog beduina,  
da na krajnjem istoku  
ima još istočnije,  
da su trave mnogo zelenije  
i mnogo sočnije.  
izvori su mnogo hladniji,  
ljudi su pitomiji,  
manje pohlepni,  
a živi se u neimaštini  
i ne harmoniji.  
dok na zapadu  
nikad nije bilo  
još zapadnije,  
a još manje priču  
da neko otvoreno kaže.  
gleda se tamo  
u šarene slike  
i nevidljive laže.  
mnogo se uživa,  
a najviše od svega  
predano laže.  
tako mi reče  
beduinski penzioner,  
koji sada agilno djeluje  
kao neki idejni  
i vjerski bilioner.

## **XLVIII**

prerijom bjesni konjica sjevernog vjetra,  
samoćom bespuća odjekuje rana zima.  
oko mene toplina bježi i sjever osjetih  
da me hladnim dahom prožima.

zauzdah kragnu zimskog kaputa  
kao bijesnog konja što na vjetru  
voli da rže i galopira.

preko ceste samo još dobra kola prolaze.  
pale se signalni reklame i svjetla,  
toplina smrznutih duša  
na zamagljenom izlogu bestidno pozira.

u eteru stoji još jasna psovka čovjeka sa ulaza  
bez novčanika, sa dvojicom nekih  
uniformisanih mrgodnih činovnika.

ja prolazim dalje tražeći svoje smrznute ideale,  
grijem ih u mislima, trljam i bodrim,  
a sve toplini ne mogu da odolim.

## **XLIX**

sve bogatstvo  
ovoga svijeta  
leži na tlu  
ispod cipela  
samog čovjeka,  
samo jalov je svaki  
čovjekov pokušaj  
da se bogat  
sa njime ustane.  
svaka želja ljudska  
ima svoju težinu i oblinu,  
sa željom forma  
poprima karakter, osobinu,  
bez poraza  
božansku ejelinu.

L

gospodine!  
da li je ovo  
vaš šešir?  
ne, nije.  
tu smo  
samo ja  
i moj nemir.  
ja ne nosim  
nikakav šešir,  
to mi unosi  
dodatni nemir.  
kako glupo  
izgledate sa njime  
kao da čete u svemir!  
skinite to odmah sa glave.  
nemojte da za nama  
ženturače balave!  
idem kući  
iz istih stopa,  
nije više bitna  
ni nova  
od fudbala lopta.

# LI

na putu od ine  
vidio sam tri puta  
vlastito ime.  
jednom u smeću  
pored klupe.  
dva puta u pijesku,  
pod toboganom.  
i jednom čakijom  
oštrom u drevetu  
krvnički urezano.  
stoji moje usrano ime  
kao zadnje slovno  
odbačeno kopile.

LII

ovaj put nije bilo kao prije.  
spavalо se od umora,  
a ne od utvara.  
znoj je curio ispod košulje  
u malim potocima.  
nestvarno je poput bajke,  
čak su rumene i umorne majke.  
pored kola drijemaju djeca  
sa zlatnom kosom, dio su slikovnice,  
ili su to moje nadnaravne mentalne skice.  
na ulici moderna gospođa hoda,  
na uzici vodi svoju malu lasicu.  
pojela je tonu jednu ptica  
i pride gospođe morgan tri kanarinca,  
i još nekih značajnih sitnica.  
nikad ih nije nazad dala.  
sve je uporno zatrпavala,  
ispod hrasta gdje nikog skoro nema.  
pusto gleda jedna gnjila fotelja  
na kojoj gospođa morgan mirno sjedi,  
a ne može da besjedi, u zamjenu za glas  
ote joj se uzdah jedan, dug,  
i tvrd u tišini kao morski sprud.

LIII

ma jeste,  
da, eto tu,  
sa klupe.  
prljavo!!  
jel' moje dupe?  
da tu!  
zašto se cerite?  
recite mi,  
šta se vidi?  
tamo iza,  
dajte molim vas,  
recite mi  
dok nije došla  
moja panika,  
moja kriza.  
smirite se.  
iza vas je jedna  
opasna od snijega kliza.  
i kriza sastavljena  
od pohotnih pogleda  
koja gladno oko  
nekako nagriza.  
vaše iza je dobro,  
ako već pitate mene  
da sudim o iza,  
pričao bih vama  
intimno o tome  
i iz bliza.

## LIV

trudim se  
da zaboravim  
ali ne polazi za rukom.  
odлука je na drugom,  
ne na meni,  
niti oko mene,  
ja samo imam  
bijedne uspomene.  
zaboraviti je teško  
i kada amneziju imaš,  
rekao mi ranjen čovjek,  
možeš ladno da se slikaš!  
vrti se koliko ti drago,  
mreža steže nevidljiva.  
ulovljen sada kao som hodam,  
stojim kao obična gljiva.  
kako sam ovako velik i star  
napravio sebi neviđen košmar?  
pustio sam leptirove šašave  
ispod stare kape,  
ljudi ih gleadaju  
kao arije i kantate.  
oko mene lete nadanja  
pretakajući život moj,  
u melankolične snove  
i stvarnosti damare.

## LV

ja sam na prozu  
jednostavno zaboravio,  
morao sam,  
poezija me natjerala.  
jak sedativ u stihu leži,  
a rima je uvijek u glavi,  
neće da bježi.  
ne mogu niti razmak  
u rečenici doživjeti.

gledam samo  
da ne počnem  
brojati riječi,  
paziti na rimu,  
i osjećati simbol stiha  
kao cjelinu.

polako dok nestaje  
u zaboravu  
većeg članka  
jedva primijetih sebe  
kako se gubim  
u moru pjesme,  
opijen epom,  
bez prestanka.

žedan vode  
sa hladne česme,  
osjećaji proze  
teku poput  
vodene loze.  
jedno i drugo  
uliše se skupa,  
poče srce ludo,  
grozničavo da lupa.

od ushićenja  
stihovnih rima,  
rađa se proza  
i plovi jača kataklizma.  
proza se u stihu  
grčevito izvi,  
duga i puna,  
sjaji karizma.  
plovi takva preko  
strofne večeri,  
žubori magija  
neko je nagovijestio  
stidljivo kraj.

sa zagrobnom tišinom  
rasla je smrt.  
tamna pomračina,  
jedno drugom  
jednako je.  
ne boje se samospoznaje,  
ne javljaj se sada,  
slušaj, i ne vič!  
ja gledam u neman,  
a neman meni,  
sijamski poče  
da liči.

## LVI isповijest jedne kukavice

da sam tada smio,  
pitao bih ga  
zašto je toliko pio.  
i vječito je  
mrzovoljno ljut.  
sa nama uvijek  
nezgrapan i krut,  
kao suh prut.  
da sam hrabrosti imao,  
dijelili bi sada nešto,  
sem šutnje i nelagode.  
prepolovili bi čežnje,  
a bol bi ličila  
na komične zgode.  
da sam samo jednom  
mogao strah da osokolim,  
da ti skrešem u lice  
koliko me boli,  
što ne mogu  
da te volim,  
i od straha  
istini da odolim.

## LVI

ej mali  
‘vamo dođi!  
tko? jel‘ ja?  
da, ti, nego  
ko bi drugi.  
možda neko  
od onih prvih.  
što ja znam  
tko vama treba.  
ja nisam baš  
od vašega neba!  
Mali, ne muti,  
to me izluđuje  
i krvnički ljuti!  
zato mali  
dođi i šuti!  
Hoću, evo kako neću.  
samo da se oprostim  
i zbogom kažem vašem  
neprocjenjivom smeću.

## LVIII

dosta sada!  
nema kraja.  
reci mi odmah  
gdje ti je sin?  
nema ga,  
očiju mi!  
otišao je  
u bugarsku,  
u pazin.  
ne laži!!  
čujem kera  
kako ciganski  
negdje reži.  
daj ga ‘vamo  
za sve laži  
cijela milicija  
ga traži.  
nije on,  
očiju mi  
mojih slijepih,  
danас mijenja čilim  
za gospodski tepih.  
da se odma’  
sutra nama javi.  
inače ovog mlađeg  
musavog ču da vodim.  
pa neka sjedi  
dok trgovac tvoj  
u bugarskoj  
u pazin besjedi.  
nema lale-mile više  
prodao mi kako ono  
kolega ti reče kliše.  
svi ste vi isti!  
ništa vam sveto nije.  
vazda neke papazjanije!

Gataro, da se kloniš čarki  
ja sam pošten čovjek,  
i molim te ne zamjeri.

## LXIX

mrtva pa šta, sa tobom svakodnevno umirem i ja!  
noć će da ubijem još noćas, odmah iza ponoći,  
čim crnilo postane veliko, korijenje će sjekicom da siječem.  
pa neka skići i cvili dan, kada noć dušmanski neće.  
nema se vremena za groblja uspomena više.  
niti želim da ljubim sjećanje bolno koje ludo srce uporno udiše.  
daj, gledaj ovamo, mrtva zjenica tvoja i požuda moja  
kao luda paranoična igranka znoj taman kao otrov širi,  
spremna da me sa đavolom vrućim ženi ili bar na trenutak umiri.  
mrtva pa šta, mrtviji sam od tebe, a živ još hodim ja.

## LX

kratko sam u snu zastao,  
samo trenutak da povratim dah.  
propara se vreća sna mogu,  
u stvarnost čudnu ispadoh u isti mah.  
tek tada osjetih da mi srce  
luđački trokira i ponovo lupa,  
sa prozora vika neka,  
i komšinica se vjerno dere  
nikolaaaa, o'ladi se supa!!!  
drago meni da me ne gone u snu više,  
sa radija vjerno satana stihove sada vruće niže,  
mimikom se glasam i nije neki kliše.  
stvarnost se kolebljivo opet gubi  
san isparan na podu prebrzo mi gnijje,  
mokrim bojažljivo po istom  
da se ne natežem povelikim kistom.  
je li me smrt stigla je li smrdljiva čekaona,  
ili samo bez naočala naopako čitam čistilište  
šta je sada nije me briga više,  
gledam u ogledalo koje i zaborav sam očajnički  
ispred mene hoće zauvijek da obriše.

## LXI

draga mi više nisi  
hladna si i suzdržana.  
ti si moja podgrijana večera,  
bugarski film bez prevoda,  
gledan iz smrdljivog nužnika.  
ne mogu da kažem,  
ne mogu da te raskrinkam  
niti drugom lice tvoje pravo odam.  
ja bih radije da zaboravim  
da jednako tumaram svijetom  
i epileptično uživam i pijano hodam.  
guram te niz ždrijelo, ali se vraćaš.  
čak ni ker od stomaka moga cvileći te neće,  
i glavu svoju od tebe bestidno okreće.  
o ukusu tvoje puti sada se šapuće i mutavo čuti.  
skvrčen si leš na dnu vlastite mi pameti.  
zalijevam te pićem i želim  
da sa mnom u njemu pohotno uživaš,  
a ne da te davim u svijesti sada.  
izbljuvat će te još jednom pored puta,  
i obrisati usta krajem tvoje bluze  
pa neka niz obraze klize zaborava suze.  
lažna si, draga, kao noćna mora i kletva,  
dublja u neistini od najdubljeg mora,  
kojoj hladnoća proždrljivosti znači  
kao meni molitva jutarnja moja.  
ne poznajem ništa osim moga srca  
i plamena jedinog mog dragog ognjišta.  
zaborav je kao zora u bolne noći,  
jedina kula i uporište  
što od uzadaha draga ostade moga.

## LXII

širok je a uskogrudan ovaj grad,  
prenatrpan kantama za smeće,  
gledam papir što slobodno ulicom  
poput pahulje sada proljeće.  
abajati hljeb pomjeram u džepu,  
sjedimo na uličnoj klupi,  
ja, jedan penzioner i tranzistor žuti.  
ja sam čekao gavrana, a on vrapca,  
živkao mu je starina poput zvona ili praporca.  
ja sam samo ēutao i gledao ispred sebe kao ova klupa  
idiot ili neka asfaltna nevidljiva crna rupa.  
gavran je motrio mene iz tamne mu sjene ne praveći šum.  
očekivao je valjda neki neočekivan pokret moj  
ili da mu poklonim cijeli ukrasni ulični žbun.  
iza leđa južni vjetar dijelio je besplatno hladne ēuške,  
primao sam ih kukavički stegnute šije objeručke.  
dalje nije bilo ničeg sem konstantne buke,  
umakao sam sočno prste izvlačeći iz nje trunke,  
prosipao sam ih pločnikom čekajući svog gavrana  
da igramo opet zbilje ili maštom natopljene mućke.

## LXIII marina

marina je drolja! govorio je ivan.  
nije imao ništa sem novca i patetičnog izgleda,  
blejavao je za njom taj slučaj kao obična ovca.  
prstom je upirala marina, govorila o njemu  
kao o kanti lošeg benzina. tata mu je dao mercedes  
i tri kuće pored glavne ceste gdje je neuspješno liječio  
svoje akne i pozne komplekse. marina nije bila drolja,  
marina nas je čupala iz svih mogućih nevolja.  
marina je bila bog, pravila je ta od vazduha i čist smog.  
svi su voljeli marinu samo marina nikog voljela nije.  
mi smo za nju bili anemični kunići, a ponekad mušterije.  
marina je bila grom, uvijek je jela masno i cugala je više od nas  
nekako gospodski klasno. niko marinu za mišljenje pitao nije,  
tresli smo se od suda njenog kao obični miševi, slinili za njom  
kao praseće pomije. marina je bila naš manifesto,  
bila je kraljica kojoj je nedostajao samo muškarac pravi,  
a ne ove domaće džukele i kerovi mali. marinu su žene  
mrzile ponajviše ne zbog posla čestitoga već izgleda njenog  
za kojim se okretala muška cijela jedna vojska.  
pljuvale su za njom i ljubomorno gutale sline, a marina  
je sijala jače i od najveće mjesecine.  
tako je bilo dok ulicom nije prošao jedan edib.  
meni nije bio ništa posebno, mogao je biti i sakib.  
nema razlike gledao sam ga kao nekog prolaznog gosta,  
ali marini izgleda svega je bilo dosta. on je pravi! reče marina,  
a oči se upališe ko u MIG-a pozadina. ni edibu nije bilo svejedno  
ako je zauzimao prebrzo naše mjesto, cugao je bolje od nas,  
imao je čak muški dobar bariton glas. nije bilo vremena za spas,  
oprstili smo se dobro s njom nasamo jedan po jedan,  
plakali smo na ramenu njenom sve do pola jedan!  
onda je stigao edib i upalio onaj moćni svoj kombi.  
ja sam gledao u njega mareći samo za adresu,  
ali dobili smo samo jednu od marlbora kesu  
i kako edib moćno reče: KAKVU BAA ADRESU!  
marine više nema, sada poštene kokoši ulicom prolaze,  
za nama svima melankolično dani odbrojano u nepovrat prolaze.

## LXIV

nema ljubavi za sve dovoljno. oni gladni i pohlepni se već dave  
u nečijem zagrljaju. Čak i djeca su gruba postala. jezike na očeve  
plaze dok oholo ispod oka mame za skute ljubomorno maze i paze.  
šta da vam pričam - ljubav se u našem siromaštvu samo daje.

nema ovdje druge ili da gledate život kako promiče iz ludnice kakve  
obučeni u one famozne pidžame na pruge. da, nema vama druge,  
počnите odmah da se otimate, malo ih je koji još daju svjesno  
ne mareći da prime čak ni vaš smrdljivi presto.

lako ih je naći muzu ih ko presuhle krave, a gladni se skupljaju kao muve  
oko komada nagorjele baklave. nema nazad, nema uzmicanja, dok zadnja  
nada u vama još tvrdoglavu svjetli, osušene će vas nosati kao trofeje na  
razdrndanoj metli.

ja sam stao i poskidao pijavice sa sebe, sada cinično gledam gladne, a  
anemične presušene duše, davim za guše, iz ropstva vadim boreći se za  
još jedan damar, njihove napačene duše. nema ničeg više sem pohlepe i  
beskonačne ljubavne suše. vjetar istočni samo pepeo rasipa i kroz granje  
tugaljivo neko cvili i puše.

## LXV akt

sanjao sam sinoć  
kistove i boje  
bijelo platno  
čedo jedino moje.  
zlatno žuta  
kurvina zelena,  
krv kadmijumske crvene  
u sloju bijelog titanijuma,  
blago usoljena  
kupao sam  
plavi kobalt mora  
i još nekih nepoznatih  
tek otvorenih tuba i boja.  
miris jasan baze i lužina,  
ispred mene je prizor  
i gladnog čovjeka užina.  
skupa žena mlječne puti  
dignuta sa platna mogu,  
kao skupa mirođija,  
od gospodskog finog svijeta  
igračka ili sada moja  
dvočasovna mentalna  
kupljena đakonija.  
gleda kao leptir  
osjeća moj  
međunožni nemir.  
plaši je moja njuška  
dok ker pored mene,  
nad masnim papirom  
nastrano jaja liže  
plaši i šuška.  
gola je,  
soba je hladna,  
sa prozora velikog  
dopire svjetlost,  
a na nju kao tama pada.

pomislih ružan spoj  
dok kruto u ruci stoji  
moćni kist  
jedini veznik moj.  
ona sada užurbano diše  
dok ja nad paletom,  
novi orgazam  
ložim,  
i udišem.

## LXVI more

more, kako su nesretni ljudi koji imaju more,  
a ne vide ljepotu čak i kroz otvorene prozore.  
nesretni smo jer nemamo i teško se živi,  
makar svakog dana plakali i na tvojoj izgubljenoj rivi.  
rive smrde, ne mirušu na morske soli,  
kako se to tebe tiče ili kako te srce još za njim boli?  
niko od nas nema pojma kako se od takvog prizora  
napravi čitava jedna dogma.  
more je naše skupo i neuredno je kratko i glupo.  
nema više ničeg tamo zimi osim dobrog burina  
i tvojih suza jačih od najboljeg dalmatinskog vina.  
dolaze iz unutrašnjosti neki novi, divlji svijet  
nose od kuće i onaj prženi suncokret.  
stranaca sve je manje, jezike smo učili za džabe,  
sada plažom otežu i banatske barabe.  
nema mora više za nas, mi od njega dižemo ruke,  
eto ti ga pa sa njime lijeći emocije svoje i osjećaje glupe.

## LXVII

smrdilo je na vlagu,  
sjedim u toploj kuhinji  
a on, gdje je on sada?  
on je moj!  
jaka je on životinja.  
sedam puta sam tražila  
da ne hodam  
kao zadnja sirotinja.  
njega je najviše interesovala  
moja golotinja.  
tjerao me je  
da mu kuvam naga,  
dok je on kradom glumio  
novog porno maga.  
moj voljeni je jako grub.  
voli da me motri  
dok sipam mu piće  
on nerazumljivo  
jezikom nešto prepliće.  
uzbudljivo je sa njim,  
nikad jednako i motono.  
taj nije stvaran lik!  
djeluje kao neki  
lirska podanik.  
danju bdiće na žici,  
na mjesecini vozi bicikl,  
tiho nečujno kao sjena  
odlazi sa blijedom noći,  
svojoj kući voljenoj žici.  
visiće još malo hoće da sanja,  
slike snova zanosne  
u snu još vjerno budaleše.  
čekaona je prazna  
sjedi sam kod vrućeg kazana.  
čuju se jasno glasovi i voda da žubori  
nešto strano poče da mi govori.  
ne želim da čujem želim da se budim.  
san u javi da životom iskupim.

## LXVIII

kajanje je nestalo kao lanjski snijeg zvuči kao farsa sada,  
tijelo moje kroz maglu očaj lanjski u magli prati i nostalgično hvata.  
kraj iste misli u moru zaborava počiva teret prošlosti i djetinjstva grada.  
prolazim pored grobljanske kapije zaborava spomenici i okačene slike  
moje priusustvo plaši hladne duše i usnule zagrobne prognanike.  
osjećaji plove kao polen sa vrba pored rijeke, dok pješčanom adom  
jezdi vjetar drag i topao ljetni miris nošen i sutonom u nov san okovan.

## LXIX

Jednog dana kada otkrijem kako stihovi nastaju otvorit će pjesničku postaju,  
sa glavnim sjedištem zaistočnu propast ili promaju. ljudima će držati kurseve  
i seminare razne kako da počnu odsutno poetski da bulazne.

kada svučem stihove do gola, skinut će se i ja i trčat će s njima do granice bola.  
neka misle oni koji osjećaje svoje kisle pokazuju drugima da o golotinji ne misle.  
čednost lična pomućena je na stihovima kao satanina pomračina.

iznad gola tijela dok stihove drugi vežu oni nevični za njima pohotno zavijaju  
stihove intimno lične primaju i s njima u krevet lježu, poslije ih ubijajući režu.  
kada jednog dana otkrijem kako to radim ja, sjedit ćemo i stihove nizati skupa  
ja i moja poetska postaja.

## LXX

poljem su prolazile posljednje jesenje skitnice,  
kataklizma očaja prelazi preko klasja strpljivog rada  
umornih neimara. niko nije vidio gladnog do tog momenta  
samo par utovljenih pilića što su ležerno prelazili preko dvorišta,  
gledani iz gladnih očiju kao ručkovi i slasni zalogaji.

pored prozora žena lijeno pomjeri pogled ka njima.  
unutrašnjost kuće zahvati trenutačna pomračina.  
iznenadan uzdah prije samog kraja, sa zalaskom sunca  
sjekle su gladnih zardale sjekire, kame. nevinih više nema,  
samo nektar krvi što teče i kuca kao tijelo vječite tame.

džakovi masni što na smrt zaudaraše napuniše se plijenom,  
mimikom tiho poput žive sjene, vratise se polju ostavljajući  
samo prazan prostor lišen živa stvora, kao mrtva priroda  
ili napunjena zvijer slamom, velika šumska životinja.  
tako su od gladi nestajali ljudi, neke izolovane porodice  
i gotovo čitava naselja i brojne zajednice.

rijetko su neki od njih siti zastajali, tražili prenoćište.  
više su kradom napuštali tamnu bratiju nego su javno  
to pokazivali. odcijepljeno sam gledao prizor na ulici.  
miran pogled prikovan na semafor i ulicu. ispred prodavnice  
nije bilo moguće birati voće, kiša je padala brže od stihova  
i gluposti koje moje umorno oko bilježi.

nestali su moji kanibali, nestala su žita i polja nevinih dobrih ljudi,  
sada samo ja sjedim i gledam u kišu što topi zaborav neke druge stvarnosti.  
Pored mene klinac liže velik moćan sladoled. na telefonu je mama.  
pokušava nagovoriti bivšeg muža da je on i dalje što joj sve treba  
i život njen prolazi, a ona mu ga bezrezervno pruža.

vani je neko prosipao kišu u kubicima, nestalo je svake kišne logike.  
žena je iz taksija bezuspješno pokušavala proći ispod slapa nepokvašena.  
ušla je u prostoriju kafea brzo. mokra je do kože, cijela bluza crvena  
zanosno tijelo sada uzdrhtalo svima protresa. ja sam bestidno gledao,

ponudio bih joj da sjedne, ona drsko prođe kroz mene poput zraka ili zidne sjene..  
gledali smo je, a ona je mirisala oznojeno svježe. samo kapi kiše su drama  
što niz usne joj prebrzo klize. izusti žena jedno promuklo expresso!  
oko barmena kao umorno pseto podignu četkasti brk dok je zrno kave  
kuvalo u šoljicu malu, gotovo u trk! žeravica cigarete je koridor,  
vodila je misli moje k njoj zanosnoj.

## LXXI

ostavio sam se svega sem razmišljanja.  
to mi je najveći neprijatelj i porok sada.  
vrijedno radim da zaboravim od oka  
stvari da procijenim.

brzopleto izligećem sada ili mutavo šutim  
samo jedno više neću da mislim i da učim.  
smješkat ču se glupavo i prazno lijepo će biti  
moje idiotsko razno.

treba se uvući gomili vidjeti ko nosi sveto mastilo  
za kim žene i ljudi uporno sline za čija krvna  
i nakite riječi postaju vrednije.  
nema ih puno na svu sreću lako se pokloniti  
tom gospodskom smeću.

ne traže bogati često da budu nadareni  
oni bi samo da sjede u sredini nema veze  
što im um leluja u mrkloj pomračini.  
jedno divno, krasno i odmah ste njihov  
i ne može se bez vas ni pod razno.

fenomen jak i prisutan je očituje se  
poput virusa gripe nedjeljivo je enormalan.  
bio sam imun do ove zadnje krize,  
sada gospođe kao skupocejne lutke  
niz moju pamet vlažno klize.

nemam srca da im kažem kako  
poeziju njihovu ja žvaćem,  
ja radije slike gledam i zamišljam ih  
jednostavno jedan na jedan.

## LXXII monolog s ocem

pored mene nema nikog  
samo prazan prostor.  
pruža se lijepo uređen  
baštanski koridor.  
kukci i bube zujaše  
u mojoj glavi dok zimom  
Gospod slinavi i bijelo balavi.  
sa mnom nije više  
osjećam po stihovima  
sve je dalje od mene i slabije diše.  
ljubomorno svevišnju kaznu  
za mene sada On piše.  
neka! čekat će i ovu  
pa neka ide onima  
koji mu se mole od pamтивјека.  
ja nemam dara da sjedim  
u carstvu mog košmara.  
odlazim sada makar glava pala  
sa mog klimavog vrata.  
ljubomoran sam i ja na druge  
i njihove srećom  
ispunjene moždane vijuge.  
ja nisam tražio puno za traženje  
oduzeto mi je mnogo  
sada nemam ni ono što sam imao  
pa sam i svoju želju  
kukavički zaboravio.  
tražio sam da zaboravim,  
umjesto toga sada sjećanje svoje  
bestidno bilježim.  
ti mi se opet smiješ  
i neke čudne pouke od mene kriješ.  
prošao je milenijum od onog doba  
kada sam u krilu tvojem sjedio.  
preplitao prste kroz bradu.  
sada sve one karafeke naše  
držim u srcu kao vječnu  
mladalačku pomadu.

miriše još jednako, puno ga je još srce,  
kao čaša vina u žednog radnika.  
oduzeo si sve da bih opet sve imao,  
od početka zarobljena duša moja  
igra u jednoj od tvojih  
beskonačan broj ljudskih krletki.  
pjevati više neću radije bih sjedio  
sam u agoniji i smeću.  
jaz se širi i srce moje obuhvataju opet nemiri.  
ne daj veličinu nikom u ovom svijetu,  
jer pad sa visine je poguban i vrtograd  
kao put u vječnu pomračinu,  
sam samcat, drzak, surov i svojeglav.

## LXXIII

ja dok sam gorio cigarete  
mogao sam sanjariti satima.  
sada to ne činim  
duvan je postao blijeda navika  
koja iz sjećanja nestaje.  
sanjarim do duše anemično  
i dalje pokušavajući da ne dobijem  
od pljuvačke za njim sanjarske žvalje.  
ponekad mislim da jednostavno  
ne mogu dalje jedini dokaz jesu  
stihovi koje redam i da ih bez  
inspiracije često tako kradom  
čitam i gledam.

## LXXIV

jučer sam dobio otkaz,  
bezuslovni nepromjenjivi otkaz.  
bilo je glupo samo zato jer sam  
gledao kroz prozor tupo.  
preko krovova grada vidjeli su se  
vrhovi šatora cirkusa Kolorada.  
zato sam dobio otkaz jer sam gledao  
u šarena cirkuska jedra,  
kako reče gazda sada možeš i sam  
da voliš budalaštine bez prestanka.  
ja nisam rekao ništa izašao sam  
iz zatvora moga i krenuo u potragu  
za čudom i za jedrima šarenim  
sa prozorskog zatvorskog okna.  
odmah su me primili lijepo jak čovjek  
što je držao teško željezo.  
dali su mi buket cvijeća, jednu limunadu  
i osjećaj neki kao bijeli puder  
ispod dupeta moga cijedio se neki žuti sunđer.  
šešir mi je već na glavi lići na onaj čudni engleski  
polucilinder neobičan plavi.  
ispod njega štriči mi neuredna kosa  
a pored nosa leti ni manje ni više  
nego ljubičasta rijetka afrička osa.  
sa nosa loptica crvena i kratka  
pulsira svjetlo bez prestanka.  
poče čelo da mi se znoji od treme,  
od neugodnosti gubio sam se na momente,  
dok je aplauz svirao kroz moje vruće tjeme.  
naklonih se, iz rukava ispadoše dva  
pikova indetnična keca.  
u prugastoj majici krio sam  
dva ili tri angorca debela zeca.  
drago meni što je ovako sve spontano  
bez reda kaotično i slatko.  
uprava cirkusa riješila je slučaj novog  
nestalog maga na njegovo mjesto sada sjedi  
budala što je trunula u zatvoru od jutra do sumraka.

## LXXV

kako je čovjek samo slijep  
ma kako da je emotivno lijep.  
Ljubav je davanje, bjesomučno davanje  
koje ne štedi ništa, i bez proračuna.  
Ljubav je rasprodaja samog sebe,  
ljubav je tuđih očiju hladna nelagoda.  
bez cijene prodaje se život vaš,  
ne ostaje više ništa od vaše umorne sjene.  
Ljubav se ne krade niti se kupuje,  
ljubav se ne zaslužuje već dobiva.  
Ljubav tuguje i cvili kao voz na peronu  
neprimjetno svom odredištu mili i putuje.  
odredišta duga i kratka, bez voznog reda  
ukrcavaju se ljudske duše dok  
istina kao hladan vjetar mrzne nas  
i puše daveći nas za vratove i guše.  
Ljubav je kapitulacija i predaja  
pljačka u kojoj su glavni krivci  
i hajduci upravo sami mi.  
Ljubav je puč od kojeg puca srce  
kao nečija žuč.  
Ljubav je bezglava kokoš  
što još krilima lupeta  
i smijeh što dolazi od vašeg  
izabranika voljenog krvnika.  
Ljubav je samoubistvo iz zasjede  
priče bolne, suvo cvijeće i zaboravljene  
prašnajve svadbene čaše.  
Ljubav je miris prve vlastite  
kukavičke predaje bez straha  
od očigledne smrti.

## LXXVI

kako da se zaborave  
rovovi, blato, zima,  
drhtanje bez vatre,  
mokri do smrdljivog  
donjeg veša.  
mrtvi što leže  
ispred vašeg pogleda,  
koje niko pokupiti  
do noći ne smije.  
kako da se zaboravi  
strah što se brže uvlači  
u čovjeka od same smrti.  
kako da se zaborave dani  
kada je čovjek prestao  
da bude čovjek  
i dobrovoljno odlučio  
da postane zvijer.  
kako da se zaborave  
prec i kada nam u laži  
služe njihovu istinu  
već izvitoperenu  
u samom sjemenu  
i njihovom korijenju.

## LXXVII

pa ja stvarno nisam imao kuda,  
morao sam one sitnije da pobacam vanka.  
samo krupne sam držao za ruke  
znojeći se bez prestanka.  
oni sitniji nisu bili krivi već krupniji  
što veliko mučaše pa me njihova tišina  
na drugo ostavljanje nagnaše.  
sada jezdim sam, sitni su stigli krupnije krute,  
pa ih sada onako mali vuku za haljine i njihove skute.  
ja sada vozim preko pusta polja, ječi moja duša  
dok je samoča nagriza iznutra i krivica  
moja kao hladnoča za krupnim i sitnim  
jedina savjesti i tugo moja.

## LXXVIII

kakav bi život naš bio u proticanju i vremenu  
a da ništa pod ovom nebeskom kapom  
ne bi poželjeli da nam se vrati.  
da sve tako otiče a mi niti uspomena nemamo,  
niti sjećanja, niti želja ostvarenih,  
naučili se promjenama i življenju  
bez patnje i bola kao drveće čutimo  
i gledamo bez sposobnosti  
osjećaja ranjivosti našega života.

## LXXIX

prošla je kroz mene,  
ja sam vikao njeno ime.  
nije me čula  
nije me vidjela.  
pogledah sebi u lice  
tada primjetih da sam  
zaboravno mrtav.

## LXXX

neko je popravio moj bicikl.  
ostavio sam ga probušene gume  
na padini prije omiljene kafane.  
neko ga je obojio u limun žutu,  
više ne škripi i može brzo  
u svaku krivinu ljutu.  
moj bicikl ide dobro  
i ne znam ko je dao dozvolu  
da se žalim kada bih da vozim.  
moj kotač crveni odnosno plavi,  
postao je limun žuti a ovako dobar  
ne marim da je običan crni garavi.

## LXXXI havana

poredah zadnje zgužvane novce  
unutar lijeve smrdljive cipele.  
vani su zavijala vatrogasna kola  
potpomognuta nesnošljivim  
zadahom dima od mnogobrojnih auspuha.

stajao sam zarobljen bujicom ljudi  
i automobila nasred pakleno  
vrućeg bulevara.  
kroz sive zavjese  
dopiralo je vrelo crveno sunce,  
prošarano vječitom prašinom  
sipajući u vidu zlatnog polena.

nadjačan toplinom pošao sam frižideru  
zadnjem uporištu riječi hladno.  
moja želja o postojanju  
zaboravljene boce hladnog piva  
stoji zakovana kao Isus  
za bijela masna vrata frižidera.

kucala je pokazujući jasno meni  
telepatski smjer, glasom očajnika  
zavapio sam na sretan pivski prizor.  
otvorio sam i sjurio niz upaljeno  
vrelo grlo maglovitu i hladnu tekućinu.

mali povjetarac je dopirao  
od zamagljene boce.  
miris evropskog pivskog hmelja  
dovukao je s vana metalni utisak  
mrtvog tek otkrivenog leša  
zadavljenog vlastitim smradom  
ili prosto usmrćeno od žedi  
ležalo je tijelo.

jednako u pustinji čamio bi  
indentičan prizor, bizarno iznad  
zabeznutih posmatrača sija reklama  
skupog belgijskog piva.  
na suncu smrdi leš.

kora od banane odbačena iz ruku  
prenapuhane sekretarice služi kao  
stop zona zadihanog znojnog policajca.  
debela žena mirno širi  
svoje afričke nosnice udišući smrad od leša  
kao voodoo afrodizijak koluta bionjačama  
i ponovo gotovo nastrano udiše.

osjetio sam kako joj se grči moćna guzica  
otkrivajući nekrofiličan nadražaj  
mlade zdrave domaćice.  
debeli znoj izbjiga ispod  
svježe oprane odjeće  
nagriza obline i pokazuje mišićno  
moćno tkivo crne žene.

pohotna navika tjera žrtvu  
sa namjerom da je svakim  
novim udisajem udavi.  
ja oholo i dalje gledam bulevar,  
u reklamu piva, frižider  
koji se u prodavnici otvara i zatvara.  
zveketom boca pjenušavog napitka  
jasno sada me poziva.

zadnjim naporom navukoh hlače  
i podesih znojnu košulju.  
povukoh paralelu bulevarom  
prema prodavnici alkohola.  
dopustih da me hladan zrak  
klima uređaja probudi i pripremi.

moja žedna njuška čekala je  
na bliski susret sa pospanom  
sredovječnom ženom.  
ja sam ovdje bio unajmljeni statista  
pozorišnog SCI-FI komada.  
pripadnik sam vanzemaljskog roda,  
crpim pivo kao ekstravagantan hir  
međuzvjedane zajebancije.

ja nisam bio stvaran pod svjetlom neona.  
moja bolesno bijela put  
plašila je malobrojne ljude.  
previše čisto i očuvano  
djelovao sam na tako brutalnom mjestu.

čak i moje naoko nježne ruke  
grčile su znojne novčanice  
otkrivajući bolesnu neprispadnost.  
blagajnica je silovala žvakaću gumu.  
divljački pojačavajući moj znoj  
pritišćući sve jače i intenzivnije.

usmrtio sam je pogledaom dva puta.  
istim onim otvaračem za vino  
što je sijao na kasi zaboden  
negdje u visini lijevog oka.

žvaka je blistala na stolu  
gdje je izlizani dio površine  
pokazivao ružičastu pljuvačku  
i mali balon sukrvice  
što je prkosio sparini dana.

uredno primih kusur, izdoh van  
na sunčan i prašnjav dan.  
priđoh još jednom zgradi.  
smrad u stubištu bio je nesnošljiv  
urinirao je sinoć neko  
pored prvog stepenika,

mokraćni jak zadah grizao je za oči.  
na drugom stepenišnom okretištu  
čekala je žena obasjana  
prozorskim svjetlom.  
sijala je divna žena.  
nasuprot svjetlosti iluzija stvarna  
u svoj ljepoti.

privikavalo se moje oko  
na njen parfem i raskošnu blizinu  
žedno dodirnuh laž  
carstva svjetlosti i sjenki.

prođoh pored nje motreći je intezivno.  
napokon sam bio unutar stana  
druga runda znojenja me čeka.  
pivo je hladno i popunjava  
prazan prostor frižidera.

ja sam spremam ponovo da krenem  
u smiraj dana znojan od života  
nesnošljivo težak.

## LXXXII anji

stanovala je stan do mene.  
uvijek je mirisala na pudere i kreme.  
anji je bila nepoznatog porijekla  
kao egzotična ptica evropski crna.  
anji je čuvala sav moj novac.  
njene subotnje usluge su bile  
u razini mog jednomjesečnog čeka.  
anji je vrijedila mnogo više  
i nije zagorjeli kliše.  
ona kada govori kao da umjesto vas  
neko sa lakoćom diše.  
anji je bila udana. bill varioc sa naftnih polja  
imao je veliki kamion i špicaste western čizme.  
bill mu je bilo ime, dolazio je najviše u proljeće  
i nikad preko zime. oči su mu vječno crvene  
a ručerde crne uvijek skvrčene spremne da dohvate  
neko željezo. bill je dobio otkaz zbog gluposti.  
imao je snošaj sa prostitutkom u krugu radne organizacije.  
anji nije bila zabrinuta zbog otkaza već mog čeka  
koji bi trebala uredno da primi još noćas.  
sada je na kauču kojem sam ljubio jednom mjesečno anji  
sjedio ogroman čovjek. tu noć sam proveo sa hladnim pivom  
iz stana do mene dopirala je jasno škripa istog onog kreveta  
kojeg sam sa čašom vode želio da potrošim još noćas.  
umjesto toga ja sam kupio pivo i slušao porno prenos u živo.  
na radiju sa komode zbumjivao je komentator  
američkog superbowl kupa. ja sam pio pivo i preko  
zamagljenog prozora pokušavao utvrditi da li će se sam skitati noćas.

## LXXXIII žed

dugo je stanka nagovještavala  
neodumicu očajne žene  
kojoj šuškavi novac  
užasno nedostaje.  
ja ga nisam imao  
ja sam imao pivo.  
jedini spas hladno pivo  
u vrelom danu.

anji je ušla polako.  
stidno iskapi  
treću bocu piva  
žmirka zadovoljno  
pasivna u nakani  
da progovori.  
gledam jednako  
postojano.

anji, priđi bliže  
želim da budeš  
moj jastuk  
da osjetim tvoje bilo  
ili samo kao ovog trena  
idi donesi nam drugo pivo.

pobijedili smo vrućinu dana  
skupa osjećam kako sve  
oko nas živi i lupa.

ispunjen srećom  
ostajem drugu noć  
u njenom krevetu  
sa malom nadom  
u vrijeme  
provedeno skupa.

sa istoka opet neko  
počeo energično da lupa.  
ona se kao srna trza  
vječno me bode u rebra  
tražeći od mene sigurnost  
kao naknadu koju nisam  
mogao platiti ili ona primiti.